

Na osnovu člana 39. stav 1. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), federalni ministar finansija - federalni ministar financija donosi

PRAVILNIK

O SADRŽAJU I FORMI OBRAZACA IZVJEŠTAJA O PROMJENAMA NA KAPITALU

Član 1.

Ovim pravilnikom propisuje se forma i sadržaj pozicija u obrascu Izvještaj o promjenama na kapitalu (u daljnjem tekstu: Izvještaj), obveznici izrade ovog Izvještaja i način njegove prezentacije.

Član 2.

- (1) Obrazac Izvještaja iz člana 1. nalazi se u Prilogu ovog pravilnika i čini njegov sastavni dio.
- (2) Obveznici izrade i prezentacije Izvještaja su sva pravna lica sa sjedištem u Federaciji BiH, registrovana kao društva kapitala, izuzev onih koja su razvrstana kao mala pravna lica.

Član 3.

- (1) Prilikom popunjavanja Izvještaja koriste se podaci iz propisanih obrazaca Bilans stanja - Izvještaja o finansijskom položaju i Bilans uspjeha - Izvještaja o ukupnom rezultatu za period, podaci navedeni u Bilješkama uz finansijske izvještaje i drugi potrebni podaci iz knjigovodstva.
- (2) Svi iznosi u Izvještaju iskazuju se u konvertibilnim markama, bez decimala.

Član 4.

- (1) U Izvještaj se obavezno unose podaci za prethodnu godinu i podaci za izvještajni period, klasificirani u skladu sa MRS/MSFI.
- (2) Podaci o stanjima i promjenama na kapitalu se unose u odgovarajuće polje koje se nalazi na presjeku odgovarajuće pozicije sa oznakom za AOP i odgovarajuće kolone Izvještaja, prema vrstama promjena na kapitalu koje su navedene u koloni 1, odnosno zaglavlju Izvještaja.
- (3) Kolone 9 i 10 popunjavaju samo matična pravna lica prilikom izrade konsolidovanog finansijskog izvještaja, kada ova pravna lica, u skladu sa MRS 1 - Prezentacija finansijskih izvještaja, imaju obavezu da iznose kapitala koji pripadaju vlasnicima matičnog pravnog lica prikažu odvojeno od iznosa koji pripadaju manjinskim vlasnicima.

Član 5.

- (1) U kolonu 3 Izvještaja, unose se promjene na dioničkom kapitalu, odnosno udjelima u društvu sa ograničenom odgovornošću i drugim oblicima osnovnog kapitala.
- (2) U kolonu 3 Izvještaja, na pozicije AOP 911 i 922, unose se povećanja osnovnog kapitala po osnovu emisije dionica, odnosno povećanja udjela, kao i smanjenja osnovnog kapitala izvršena u skladu sa zakonskim propisima.
- (3) U kolonu 3 Izvještaja, na pozicije AOP 901, 904, 912, 915 i 923, unose se stanja na kontima osnovnog kapitala, utvrđena na datum bilansa.
- (4) Ukoliko pravno lice na datum bilansa ima iskazan saldo na kontima upisanog a neuplaćenog kapitala, iznosi iz stava (3) ovog člana umanjuju se za iznos salda tih konta.

Član 6.

- (1) U kolonu 4 Izvještaja, na pozicije AOP 905, 907, 916 i 918, unose se efekti povećanja ili smanjenja revalorizacionih rezervi, u skladu sa MRS 16 - Nekretnine, postrojenja i oprema, MRS 21 - Efekti promjene kursa stranih valuta i MRS 38 - Nematerijalna sredstva.
- (2) U kolonu 4 Izvještaja, na pozicije AOP 901, 904, 912, 915 i 923, unose se stanja na kontima revalorizacionih rezervi, utvrđena na datum bilansa.

Član 7.

- (1) U kolonu 5 Izvještaja, na pozicije AOP 906 i 917, unose se nerealizovani dobiti i nerealizovani gubici na finansijskim sredstvima raspoloživim za prodaju, utvrđeni u skladu sa MRS 39 - Finansijski instrumenti: priznavanje i mjerenje.
- (2) U kolonu 5 Izvještaja, na pozicije AOP 901, 904, 912, 915 i 923, unose se stanja na kontima nerealizovanih dobitaka i gubitaka, utvrđena na datum bilansa.

Član 8.

- (1) U kolonu 6 Izvještaja, na pozicije AOP 901, 904, 912, 915 i 923, unose se stanja na kontima ostalih rezervi (emisione premije, zakonskih, statutarinih i rezervi po osnovu zaštite gotovinskih tokova), utvrđena na datum bilansa.
- (2) U kolonu 6 Izvještaja, na pozicije AOP 911 i 922, unose se iznosi emisione premije utvrđeni prilikom emisije dionica, smanjenje ili povećanje dioničke premije u postupcima poništavanja ili ponovne prodaje otkupljenih vlastitih dionica, smanjenje zakonskih ili statutarinih rezervi po osnovu pripisivanja tih rezervi osnovnom kapitalu, te povećanje zakonskih rezervi u postupku pokrivanja gubitka kroz smanjenje osnovnog kapitala.
- (3) U kolonu 6 Izvještaja, na pozicije AOP 910 i 921, unose se efekti povećanja zakonskih i statutarinih rezervi po osnovu raspodjele dobiti, kao i smanjenja zakonskih i statutarinih rezervi po osnovu pokrivanja gubitka.
- (4) U kolonu 6 Izvještaja, na pozicije AOP 908, 909, 919 i 920, unose se iznosi povećanja ili smanjenja rezervi po osnovu zaštite gotovinskih tokova, preneseni u dobit, odnosno gubitak perioda.
- (5) Iznosi povećanja ili smanjenja rezervi po osnovu zaštite gotovinskih tokova isključeni u početno stanje zaštićenih gotovinskih tokova iskazuju se u okviru korigovanih iznosa na pozicijama AOP 904 i 915.

Član 9.

- (1) U kolonu 7 Izvještaja, na pozicije AOP 901, 904, 912, 915 i 923, unose se stanja na kontima neraspoređene dobiti ili nepokrivenog gubitka, utvrđena na datum bilansa.
- (2) U kolonu 7 Izvještaja, na pozicije AOP 902, 903, 913 i 914, unose se povećanja ili smanjenja salda finansijskog rezultata prenesenog iz prethodnog obračunskog perioda, po osnovu efekata promjena računovodstvenih politika, odnosno efekata ispravljanja grešaka, u skladu sa MRS 8 - Računovodstvene politike, promjene računovodstvenih procjena i greške.
- (3) U kolonu 7 Izvještaja, na pozicije AOP 905 i 916, unose se dobiti ili gubici nastali po osnovu smanjenja ili povećanja revalorizacionih rezervi, u skladu sa MRS 16 - Nekretnine, postrojenja i oprema i MRS 38 - Nematerijalna sredstva.
- (4) U kolonu 7 Izvještaja, na pozicije AOP 908 i 919, unose se neto dobiti ili gubici perioda, utvrđeni u Bilansu uspjeha - Izvještaju o ukupnom rezultatu za period, u dijelu koji obuhvata prihode i rashode perioda i porez na dobit.
- (5) U kolonu 7 Izvještaja, na pozicije AOP 909 i 920, unose se ostali dobiti ili gubici, odnosno dobiti i gubici koji su priznati direktno u kapitalu.
- (6) U kolonu 7 Izvještaja, na pozicije AOP 910 i 921, unose se smanjenja dobiti po osnovu objavljenih dividendi i učešća u dobiti, izdvajanja u zakonske i statutarne rezerve, kao i po osnovu pokrivanja gubitka. U ista polja unose se i iznosi smanjenja gubitka pokrivenih iz dobiti ili iz rezervi (zakonskih i statutarinih).
- (7) U kolonu 7 Izvještaja, na pozicije AOP 911 i 922, unose se smanjenja dobiti po osnovu njenog pripisivanja osnovnom kapitalu, kao i smanjenje gubitka izvršeno kroz smanjenje osnovnog kapitala.

Član 10.

U kolonu 8 Izvještaja unose se zbrovi pozicija uključenih u kolone 3 do 7 Izvještaja, za svaki AOP pojedinačno.

Član 11.

U kolonu 9 Izvještaja, na odgovarajuće pozicije AOP, matična pravna lica prilikom izrade konsolidovanog finansijskog izvještaja unose iznose koji pripadaju manjinskim vlasnicima.

Član 12.

U kolonu 10 Izvještaja, matična pravna lica prilikom izrade konsolidovanog finansijskog izvještaja unose zbrove pozicija iskazanih u kolonama 8 i 9, za svaki AOP pojedinačno.

Član 13.

Početkom primjene Izvještaja propisanog ovim pravilnikom, prestaje primjena obrasca Izvještaja o promjenama u kapitalu iz

Rješenja o usklađenosti shema na kojima se podnose finansijski izvještaji sa Zakonom o računovodstvu i reviziji Federacije Bosne i Hercegovine ("Službene novine Federacije BiH", br. 82/06 i 3/07).

Član 14.

Ovaj pravilnik stupa na snagu narednog dana od dana objavljivanja u "Službenim novinama Federacije BiH", a primjenjivat će se počevši od finansijskih izvještaja za periode koji počinju 01.01.2011. godine i nakon toga.

Broj 04-02-8273/10
18. novembra 2010. godine
Sarajevo

Ministar
Vjekoslav Bevanda, s. r.

Prilog

Naziv pravnog lica: _____

Sjedište: _____

Šifra djelatnosti: _____

UIB: _____

Matični broj: _____

Transakcijski račun: _____

ZVJEŠTAJ O PROMJENAMA U KAPITALU

(Za sva pravna lica)

za period koji se završava na dan _____ 20 _____ godine

VRSTA PROMJENE U KAPITALU	UKV	
	2	10
DIO KAPITALA KOJI PRIPADA VLASNICIMA MATIČNOG PRIVREDNOG DRUŠTVA	1. Društveni kapital i udjeli u društvu sa ograničenom odgovornošću	3
	2. Revalorizovane rezerve (MRS 16 MRS 21 i MRS 38)	4
	3. Nevalorizovani dobiti/gubitci po osnovu transakcijskih sredstava raspoloživih za prodaju	5
	4. Ostale rezerve (emisiona premija, zakonske i statutarne rezerve, zaštita gotovinskih tokova)	6
	5. Akumulirana nemasporedna dobit / nepokriveni gubitak	7
	6. UNUPNO (3-4+5+6=7)	8
	7. MANJINSKI INTERESI	9
	8. UNUPNI KAPITAL (8+9)	10

20. Neto dobiti/gubici perioda priznati direktno u kapitalu	9	2	0						
21. Objavljene dividende i drugi oblici raspodjele dobiti i pokrivenje gubitka	9	2	1						
22. Emisija dioničkog kapitala i drugi oblici povećanja ili smanjenja osnovnog kapitala	9	2	2						
23. Stanje na dan 20. godine (915 916 917 918 919 920 921 922)	9	2	3						

U: _____
 Datum: _____

Certificirani računovođa _____ M.P. _____
 Broj dozvole _____
 Direktor _____